



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 222

DATUM: 24.06.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana Konferencija na temu
Reformski dijalog lokalnih i cen-
tralnih vlasti u FBiH

U Sarajevu održana Konferencija
pod nazivom "Lokalna vlast za
društva zajedničkih vrijednosti u
jugoistočnoj Evropi"

U Srebreniku otvoren Centar za
podršku poduzetništvu

Saradnja između Općine Čitluk i
Federalnog ministarstva prometa i
komunikacija ocijenjena dobrom

Osnažena žena za održiv mir

Najava: Četvrta konferencija
predsjedavajućih i sekretara op-
ćinskih/gradskih vijeća Federacije
Bosne i Hercegovine u petak u
Sarajevu

Najava obilježavanja dana op-
ćina i gradova za mjesec juli/
srpanj

Bilten Saveza općina i gradova Federacije Bosne i Hercegovine

ODRŽANA KONFERENCIJA NA TEMU REFORMSKI DIJALOG LOKALNIH I CENTRALNIH VLASTI U FBiH

U Sarajevu je, 14. juna/
lipnja u organizaciji Saveza
općina i gradova Federacije
Bosne i Hercegovine
održana Konferencija na
temu „Reformski dijalog
lokalnih i centralnih vlasti u
FBiH“. Na početku
Konferencije, učesnicima se
obratila direktorica Saveza,
Vesna Travljanin koja je
izrazila zadovoljstvo što će
se raspravljati o
predstojećem Zakonu o
pripadnosti javnih prihoda,
kao i drugim zakonskim
oblastima, te razmijeniti
mišljenja i uskladiti stavovi.
"Nije nam cilj da završimo



nego započemo proces dijaloga lokalnih i središnjih vlasti u FBiH," istakla je Travljanin. Mirjna Vučić, iz Federalnog ministarstva financija, spomenula je da je Svjetska banka neizostavan partner u provedbi reformi koje provodi Vlada FBiH. Navela je da je cilj konferencije uspostava dijaloga na svim razinama vlasti. U duhu svega toga Federalno ministarstvo financija konstantno i kontinuirano radi na unapređenju te komunikacije. Kroz fiskalno koordinacijsko tijelo uključena su sva županijska ministarstva financija kao i Savez općina i gradova FBiH. Konferencija je sastojala od četiri panela. U okviru prvog panela, na temu „Imovina jedinica lokalne samouprave - upravljanje zemljištem" govorili su: prof. Enes Hašić - Pravni fakultet Univerziteta u Zenici, prof. Meliha Povlakić - Pravni fakultet Univerziteta u Sarajevu, Hidajet Halilović - Federalno ministarstvo pravde i Almir Šuta, Grad Tuzla. Zakon o stvarnim pravima u Federaciji Bosne i Hercegovine, kao sistemski zakon, uveo je značajne i neophodne odredbe kojima se reguliše upravljanje, između ostalog, i zemljištem jedinica lokalne samouprave. U praksi su odredbe ovog Zakona prouzrokovala određene nedoumice, ali i probleme kako ja naveo predstavnik Grada Tuzla kada je u pitanju određivanje cijene zemljišta. Kako cijena zemljišta predstavlja jedan od ključnih faktora za privlačenje investicija, gradonačelnici i načelnici istakli su svoju zabrinutost zbog zakonskih odredaba koje regulišu ovo pitanje. Predstavnici lokalne samouprave imali su priliku diskutovati sa uvažanim stručnjacima iz date oblasti. Iz Federalnog ministarstva pravde su najavili sveobuhvatnu analizu dosadašnje primjene Zakona o stvarnim pravima u FBiH, tog "ustava o imovinskim pitanjima", kako ga je nazvao zamjenik resornog ministra Hidajet Halilović, naglašavajući koliki je stvarni značaj zakonskog akta ove vrste. Važeći zakon o stvarnim pravima donesen je 2014. godine, te je kao sveobuhvatan i veoma obiman akt iziskivao usklađivanje mnogih drugih zakona s njegovim odredbama, primjerice propisa o vodama kao javnom dobru, ali usklađivanje ni do danas nije završeno. Halilović je kazao da su vrata Ministarstva i danas širom otvorena za zainteresirane strane u ovom procesu, među kojima su i lokalne zajednice, te je pozvao sve da se uključe u javnu raspravu kad zakon opet bude u parlamentarnoj proceduri. Po riječima prof. Melihe Povlakić lokalne zajednice, koje se suočavaju sa značajnom redukcijom imovinskih resursa, bile su najrevnosnije i dale su najkvalitetnije sugestije u javnoj raspravi kad je aktuelni zakon bio tek u proceduri. U okviru drugog panela, na temu „Općinske finansije", riječ su uzeli: prof. Dženan Đonlagić - Ekonomski fakultet Univerziteta u Sarajevu, prof. Anto Bajo, stručnjak iz oblasti javnih finansija - Hrvatska, Ante Mađerić - Grad Rijeka i Edina Habibija - Općina Novo Sarajevo. Tema drugog panela bila je najavljeni novi Zakon o pripadnosti javnih prihoda u Federaciji BiH i njegove implikacije za jedinice lokalne samouprave. Predstavnik Federalnog ministarstva finansija je ukratko

Gledajte Savez općina i gradova
Federacije Bosne i Hercegovine na

You Tube



Svoje izlaganje na temu raspodjele prihoda u Federaciji BiH iznijeli su i Anto Bajo, koji je predstavio iskustvo Republike Hrvatske, te Edina Habibija, koja se osvrnula na efekte posljednje izmjene Zakona o pripadnosti javnih prihoda u Federaciji BiH na Općinu Novo Sarajevo. U okviru ovog panela, tematizirana su i iskustva općina sa samoprocjenom općinskih finansija, alate koje je na raspolaganje općinama pružila Svjetska banka. U okviru trećeg panela, na temu „Kapitalne investicije na lokalnom

nivou" govorili su prof. Anto Domazet - Ekonomski fakultet Univerziteta u Sarajevu, Ivan Vukadin - načelnik Općine Tomislavgrad i Emir Fejzović - Općina Visoko. Profesor Domazet je dao teoretski pregled tematike kapitalnih investicija na lokalnom nivou, dok su predstavnici općina Visoko i Tomislavgrad na konkretnim primjerima iz svoje prakse dali uvid u vrlo pozitivna iskustva ulaganja u svojim općinama. U okviru četvrtog panela, na temu „Antikorupcija i izgradnja integriteta" riječ su uzeli: Emina Abrahamsdotter - Proffs d.o.o, Sead Lisak - direktor Agencije za prevenciju korupcije i koordinaciju borbe protiv korupcije, Lejla Ibranović - Transparency International, Dževdana Brajić - Grad Zenica i Elma Demir - konsultant. Iznijeta su iskustva o dosadašnjim naporima Agencije za prevenciju korupcije i koordinaciju borbe protiv korupcije na uspostavljanju sistema i mehanizama za izgradnju sistema koji sprečava korupciju. Transparency International je kratko predstavio svoje istraživanje i projekte iz date oblasti. Između ostalog, učesnici konferencije su imali priliku čuti o iskustvu izgradnje sistema integriteta Grada Zenica. Uključivanje građana u proces donošenja odluka je takođe bila jedna od tema, kao i metodologija procjene socijalne inkluzije u Gradu Tuzla. Jedinstvena ocjena svih aktera konferencije je da kapacitete lokalne samouprave treba ojačati jer su općine, odnosno gradovi zajednice u kojima građani ostvaruju osnovna prava. Potrebno je osnaživanje kapaciteta upravnih struktura i omogućiti građanima da više učestvuju u kreiranju propisa koji se odnose na njihov život u zajednicama. U fokusu dijaloga lokalnih i centralnih vlasti bila je raspodjela javnih prihoda jedinicama lokalne samouprave, kojom su one nezadovoljne jer im se od viših nivoa ne uzvraća srazmjerno njihovom učešću u stvaranju prihoda. Konferencija "Reformski dijalog lokalnih i centralnih vlasti u Federaciji BiH" održana je u organizaciji Saveza općina i gradova FBiH uz podršku Svjetske banke - Austrija koja podržava Program urbanog partnerstva.

U SARAJEVU ODRŽANA KONFERENCIJA POD NAZIVOM LOKALNA VLAST ZA DRUŠTVO ZAJEDNIČKIH VRIJEDNOSTI U JUGOISTOČNOJ EVROPI

U Sarajevu je 20. juna/ lipnja održana Konferencija na temu, "Lokalna vlast za društvo zajedničkih vrijednosti u jugoistočnoj Evropi". Konferenciju je otvorio gradonačelnik Sarajeva Ivo Komšić, gdje je istakao kako je ovo prva konferencija u našoj regiji koja daje priliku da se razmotre prednosti uspostavljanja dvije mreže: bosansko - hercegovačke i regionalne mreže gradova zajedničkih vrijednosti u jugoistočnoj Evropi, odnosno, postojanja ključne uloge gradova u prevazilaženju podjela na osnovu identiteta. Konferencija je potom nastavila rad kroz naredne četiri sesije: lokalna vlast za društva zajedničkih vrijednosti; promocija društva zajedničke vrijednosti u jugoistočnoj Evropi - lokalne vlasti i nacionalne vlade; promocija društva zajedničke vrijednosti u jugoistočnoj Evropi - lokalne vlasti i lokalna zajednica; zajednički gradovi za društva zajedničkih vrijednosti u jugoistočnoj Evropi; te su se nakon diskusija o potrebi jačanja veza s lokalnim vlastima u cilju osiguravanja efikasnijeg pristupa izgradnji zajedničkog grada donijeli sljedeći zaključci.



Grb Grada Sarajeva

Jedan od zaključaka je da Grad Sarajevo sa gradonačelnicima i načelnicima u Bosni i Hercegovini koordinira aktivnosti u vezi usaglašavanja teksta sarajevske deklaracije kojom će se formirati mreža gradova zajedničkih vrijednosti u Bosni i Hercegovini. Potom je zaključeno da gradonačelnik Sarajeva Ivo Komšić zajedno sa zamjenicom gradonačelnika Tirane, Brunildom Paskali koordinira aktivnosti sa regionalnim gradonačelnicima gradova od Ljubljane do Skoplja i Tirane, kako bi se formirala mreža gradova zajedničkih vrijednosti u jugoistočnoj Evropi. Na Konferenciji je prihvaćen prijedlog gradonačelnika Komšića da Grad Podgorica bude organizator sljedećeg sastanka, na kojem će učešće uzeti gradonačelnici i načelnici regije jugoistočne Evrope i Bosne i Hercegovine. Konferencija "Lokalna vlast za društva zajedničkih vrijednosti u jugoistočnoj Evropi" održana je u organizaciji Grada Sarajeva, Projekt društva zajedničkih vrijednosti „Club de Madrid” i Fondacije društva zajedničkih vrijednosti Sarajevo. Pored predstavnika lokalnih vlasti iz regiona i naše zemlje, učešće u Konferenciji su uzeli i predstavnici Vijeća Evrope, kao i međunarodni eksperti.

U SREBRENIKU OTVOREN CENTAR ZA PODRŠKU PODUZETNIŠTVA

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Nakon svečanog otvaranja BIT Centra 4 u Tuzli, u Srebreniku je 22. juna/ lipnja 2016. upriličeno otvaranje Centra za podršku poduzetništvu s inkubacionim kapacitetima (Biznis Centar Srebrenik), koji je uspostavljen u okviru projekta „Jačanje poslovnog okruženja za više malih i srednjih preduzeća u Tuzli i susjednim općinama - BES4SMEs“. Oba objekta obnovljena su i opremljena u toku pomenutog projekta kojeg finansira Evropska unija s ciljem podrške lokalnom ekonomskom razvoju u BiH. Ukupna vrijednost projekta je



566.778,67 € od čega Evropska unija finansira 481.761,00 €. Projekat BES4SMEs implementira Udruženje za razvoj NERDA s partnerima i ima za cilj jačanje poslovnog okruženja putem poboljšanja poslovne infrastrukture i razvijanja usluga podrške za poduzetnike te unapređenja saradnje među općinama koje učestvuju u projektu – Tuzla, Srebrenik i Kalesija. BIT Centar 4 sa ca. 490 m2 obnovljenog i opremljenog prostora, dio je infrastrukture namijenjene poslovnom inkubiranju postojećih i novoosnovanih preduzeća koja djeluju u oblasti informaciono-komunikacijskih tehnologija u okviru BIT Centra u Tuzli. Važno je istaći i finansijsku podršku Grada Tuzla, koji je za radove rekonstrukcije i adaptacije BIT Centra 4 izdvojio dodatnih 142.000 KM. Biznis Centar Srebrenik raspolaže sa ca. 190 m2 obnovljenog i opremljenog prostora unutar kojeg će pružati usluge kvalitetnog, savremeno opremljenog kancelarijskog prostora te usluge poslovne podrške sa naglaskom na razvoj preduzeća i pojedinaca koji imaju poslovnu ideju kroz edukacije i umrežavanje, a sve u cilju razvoja i promovisanja poduzetništva na području općine Srebrenik i šire. Bitno je naglasiti da je ostvarena saradnja Općine Srebrenik i BIT Centra Tuzla uz podršku drugih partnera u projektu u svrhu prenosa iskustava BIT Centra kao jednog od dobrih primjera uspostavljanja i uspješnog upravljanja poslovnim inkubatorima kao instrumentima podrške. BIT Centar 4 u Tuzli zajedno su otvorili i prisutnima se obratili Martin Schieder, predstavnik Delegacije EU u BiH i gradonačelnik Tuzle, Jasmin Imamović, uz obraćanja direktora BIT Centra, Roberta Martića i direktora NERDA-e, Enesa Drljevića. Centar u Srebreniku otvorili su Nihad Omerović, načelnik Općine Srebrenik i Enes Drljević, u prisustvu predstavnika partnerskih općina, predstavnika nadležnih općinskih organa, kantonalnih ministarstava, akademske zajednice, domaćih preduzeća i međunarodnih projekata.



Grb Općine Srebrenik



SARADNJA IZMEĐU OPĆINE ČITLUK I FEDERALNOG MINISTARSTVA PROMETA I KOMUNIKACIJE OCIJENJENA DOBROM



Zahvaljujući federalnom ministru prometa i veza Denisu Lasiću, vodstvima Vlade Hercegovačko-neretvanske županije, Grada Mostara te općina Čitluk i Ljubuški, pokrenuta je inicijativa za prekatégorizaciju regionalne ceste R-424 (Mostar - Čitluk - Tromeđa - Ljubuški - Teskera - Crveni Grm) u magistralnu cestu s oznakom M-17.4. Spomenuta inicijativa prihvaćena je krajem prošle godine a zahvaljujući prekatégorizaciji stvoreni su uvjeti za bolje održavanje i rekonstrukciju ove ceste, o

čemu su danas u Uredu načelnika općine Čitluk razgovarali federalni ministar prometa i komunikacija Denis Lasić, načelnik općine Čitluk Ivo Jerkić i predsjednik Općinskog vijeća Čitluk Marin Radišić.

Svi sudionici sastanka izrazili su zadovoljstvo zbog činjenice da je regionalna cesta R-424 odlukom Vlade FBiH prekatégorizirana u magistralnu cestu M-17.4, a na sastanku su vođeni razgovori i o mogućoj suradnji vezanoj za ulaganja u ostalu prometnu infrastrukturu na području općine Čitluk.

- Razgovarali smo o prometnoj infrastrukturi i razmatrali problematiku s kojom se Općina Čitluk susreće vezano za ovo područje. Nadležno Ministarstvo je zajedno s Općinom još jednom izrazilo zadovoljstvo što je cesta Mostar – Čitluk – Ljubuški konačno proglašena magistralnom, samim time nivo održavanja bit će znatno boljeg sadržaja i opsega, a i više sredstava će biti uloženo u održavanje i rekonstrukciju. Nadamo se da će se krajem ove godine krenuti sa sanacijom određenih problematičnih točki na ovoj magistralnoj cesti – izjavio je nakon sastanka u Čitluku ministar Denis Lasić i dodao kako je na sastanku razgovarano i o mogućnosti suradnje u poboljšanju prometne infrastrukture o kojoj brigu vodi Općina Čitluk.

Naime, na sastanku su razmatrane mogućnosti suradnje u poboljšanju već postojećih općinskih cesta u narednom razdoblju te su dogovarani detalji i planovi za realizaciju zajedničkih projekata.

- Mislim da imamo dobru suradnju i da ćemo tako i nastaviti, te da će ova regija u idućem periodu osjetiti dobrobit od znatno snažnijeg ulaganja sredstava u ovo područje – zaključio je ministar Lasić.

OSNAŽENA ŽENA ZA ODRŽIV MIR

Višemjesečni projekat „Osnažena žena za održiv mir“, koji je podržan kroz USAID-ov projekat PRO-Budućnost, završen je studijskom posjetom učesnika/ca projekta iz zeničko-dobojske regije grupi učesnika/ca projekta iz sarajevsko-romanijske regije. Posjeta je održana 11. juna/ lipnja 2016. godine na Jahorini. Cilj i svrha ovog događaja i ostalih šest prethodno održanih radionica u Maglaju, Doboju, Modriči, Gradačcu, Istočnom Sarajevu i Sokocu, kao i studijskog putovanja u Doboju, u oktobru 2015. godine, jest izgradnja povjerenja među građanima i građankama svih etničkih grupa u šest navedenih opština u BiH, u kojima, između ostalih, djeluje USAID-ov projekat PRO-Budućnost. Svrha projekta je unapređenje života građana u BiH kroz stvaranje povjerenja među građanima u ovih šest opština. Aktivnom učešću u radu sa ženama doprinijeli su član multietničke grupe za saradnju iz Doboja, prof. dr. Jagoda Nedić, član multietničke grupe za saradnju iz Gradačca, gđa. Nadira Duraković, član multietničke grupe za saradnju iz Maglaja, gđin. Marinko Kelavić, kao i Milena Regoje, koordinatori 48 žena iz 6 zajednica. Učesnice ovog studijskog putovanja stekle su priliku da se edukuju i steknu nove vještine o pravnim okvirima u vezi rodne ravnopravnosti i osnaživanju uloge žene u zajednici. Također, imale su priliku da se međusobno upoznaju, druže, razmijene iskustva i uspostave korisne kontakte.



Grb Općine Čitluk



USAID
FROM THE AMERICAN PEOPLE

Kroz rad u grupama na 4 teme:

1. Uloga akademske zajednice u izgradnji mira;
 2. Uloga biznis sektora u izgradnji mira;
 3. Uloga medija u izgradnji mira;
 4. Uloga nevladinih organizacija i žena u izgradnji mira,
- Sve učesnice su aktivno učestvovala u identifikaciji problema sa kojima se susreću u svojim lokalnim zajednicama i stekle mogućnost da zajedničkim umrežavanjem nađu načina da ih skupa rješavaju.




Projekat „Oснажена жена за одржив мир“ је финансиран од стране USAID-овог пројекта PRO-Budućnost, који имплементира Catholic Relief Services, у сарадњи са Фондацијом Мозаик, Caritasom Bosne i Hercegovine, Forumom грађана Tuzle, Хелсиншким парламентом грађана Банаја Лука и Међурелигијским вијећем у БиХ. У наредном периоду кориснице пројекта укључиваће се у рад и активности других пројеката Хуманитарног удружења грађана „Жена Трнова“

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Konferencija ima za cilj unaprijediti saradnju Saveza sa općinskim i gradskim vijećima, kao i osnaživanje međuopćinske i međuinstitucionalne saradnje, predstaviti važnost etičkih principa tokom predizborne kampanje i kontinuiteta u radu općinskih i gradskih vijeća, te aktivnosti Saveza u smislu unaprijeđenja i formalizacije saradnje između Saveza, Parlamenta FBiH i Vlade FBiH.

NAJAVA: ČETVRTA KONFERENCIJA PREDSEDAVAJUĆIH I SEKRETARA OPĆINSKIH/ GRADSKIH VIJEĆA FEDERACIJE BIH



Associations of Municipalities and Cities Support
Podrška savezima općina i gradova
Пoдpшкa сaвeзимa oпштинa и гpaдoвa

Savez općina i gradova FBiH, uz podršku Misije OSCE-a u Bosni i Hercegovini, organizuje Konferenciju predsjedavajućih i sekretara općinskih/gradskih vijeća u FBiH, koja će se održati u srijedu, 29. juna/lipnja, u Sarajevu, zgrada Parlamentarne skupštine Bosne i Hercegovine sa početkom u 11:00 sati.

Konferencija ima za cilj unaprijediti saradnju Saveza sa

općinskim i gradskim vijećima, kao i osnaživanje međuopćinske i međuinstitucionalne saradnje, predstaviti važnost etičkih principa tokom predizborne kampanje i kontinuiteta u radu općinskih i gradskih vijeća, te aktivnosti Saveza u smislu unaprijeđenja i formalizacije saradnje između Saveza, Parlamenta FBiH i Vlade FBiH.

Savez općina i gradova FBiH Konferenciju priprema u sklopu Projekta „Podrška savezima općina i gradova“ čiji je cilj jačanje Saveza u zastupanju i lobiranju interesa jedinica lokalne samouprave u BiH.

Prisutnim učesnicima će se obratiti:

Ivo Jerkić, predsjednik Predsjedništva Skupštine Saveza općina i gradova FBiH;

Slaviša Šućur, Predsjednik odbora za pravdu, opću upravu i lokalnu samoupravu pri Domu naroda Parlamenta Federacije Bosne i Hercegovine;

Zlata Ibrahimpašić, sekretar Gradskog vijeća Grada Bihaća;

Muhamed Mujakić, direktor Pravnog instituta u Bosni i Hercegovini;

Nebojša Nikolić, predsjedavajući Gradskog vijeća Grada Zenice i drugi.

Za više informacija kontaktirajte na putem e-maila adi@sogfbih.ba ili putem telefona 033 216 502.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: adi@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC JULI/ SRPANJ

08. juli/srpanj - Dan Općine Tomislavgrad. Naime, tog datuma 1924. godine položen je kamen temeljac za izgradnju Spomen-bazilike u čast 1000. obljetnice krunidbe prvog hrvatskoga kralja Tomislava. Od 1996. godine ovaj dan se obilježava kao Dan Općine Tomislavgrad.

20. juli/srpanj - Dan Općine Stolac koji je određen povodom blagdana sv. Ilije, zaštinika grada Stoca.

20. juli/srpanj - Dan Općine Kiseljak. Ovaj datum ima i historijski značaj s obzirom da se u Povelji Bele IV iz 1244. godine spominje da je ovaj kralj 20.07.1244. godine darivao Crkvu sv. Mihovila u Borini. Budući da je to najstariji dokument u kojem se spominje mjesto koje je u užem središtu Kiseljaka, taj dan se obilježava kao Dan Općine Kiseljak.

26. juli/srpanj - Dan Općine Domaljevac-Šamac. Obilježava se kao Dan općine zato što je 26. 07. 1996. godine na svečanoj sjednici Općinskog Vijeća Bosanski Šamac donijeta Odluka o utemeljenju nove općine pod nazivom Općina Domaljevac-Šamac.

30. juli/srpanj - Dan Općine Glamoč. Tog datuma 1941. godine prvi put je oslobođena teritorija Glamoča.

